



REPÚBLICA DEMOCRÁTICA DE TIMOR-LESTE IV GOVERNUNU KONSTITUSIONÁL

KOMUNIKADU IMPRENSA

Díli, 26 Outubru 2009

Deklarasaun

Husi

*Portavóz IV Governu Konstitusionál,
Sekretáriu Estadu Konseihu Ministrus*

Governu muda tiha kultura servिसus públikus hodi fó sai rezultadus husi orsamentu

Ministra Finansas Timór-Leste nian, Sra. Emilia Pires, hasoru ona Komisaun C lori IV Governu Konstitusionál nia naran hodi hato'o rezultadus dezempenhu orsamental tinan 2008 no 2009 nian, hodi antesipa apresentasaun prosedimentus orsamentaisis ba tinan 2010 nian.

Tinan 2008 hanesan tinan tranzisaun ne'ebé Governu Timór-Leste adopta sistema ho baze ba kaixa hodi halo jestaun ba finansas públikas atu bele kumpri seksaun 39.1 (b) Reglamentu kona-ba Jestaun Finanseira no Orsamentál ne'ebé dehan katak "kontas públikas tenke konsistente ho Sistemas Kontabilidade Internasionál." Sistema ida uluk nian la halo tuir enkuantu ke baze adisionál mós la hanesan ho padraun internasionál.

Maski ho tranzisaun, iha 2008 Governu konsege dezenvolve iha kuaze áreas hotu, kona-ba reseitas no mós taixa ezekusaun orsamentál.

Iha 2006/2007 Governu uluk nian apresenta relatóriu kona-ba reseitas ho valór \$47.5m. Tinan tuir fali mai, maski reformas tributárias hamenus entradas, Governu foun konsege hetan US\$69.9m iha reseitas doméstikas, média ida ho valór \$5.8m fulan ida. Iha 2009, reseitas doméstikas nia média aumenta tan milhaun ida (1) kada fulan (\$6.88m), hein katak sei hetan iha finais tinan fiskál 2009 aumentu boot tebes iha reseitas.

Iha 2006/2007, Governu uluk nian alkansa média ezekusaun orsamentál 48.9% iha osan husi totál orsamentu \$328.6m. Iha 2008, orsamentu duplika ka aumenta dala rua no ho kapasidade servिसus públikus ne'ebé sei hanesan, konsege alkansa ezekusaun orsamentál ho média 79% iha osan.

Previzaun ba ezekusaun orsamentál tinan 2009 haré katak sei di'ak liután. Oras nune'e iha tinan uluk, ezekusaun orsamentu nian foin to'o 37%; tinan ida ne'e 48% husi orsamentu tinan 2009 ezekuta ona. Taixas ezekusaun finál sei determina maka'as ho prestasaun servísus ne'ebé tuir tempu, barak mak tenke orienta ka organiza foun fali atu bele hatán hasoru nesidades ne'ebé mosu husi krize umanitária oi-oin tanba dezastres naturais rejionais.

Rezultadus tomak reflète kometimentu Governu nian atu hadi'a kondisoens nasaun ne'e nian liuhusi jestaun finansas públikas ne'ebé efetivu no efisiente ne'ebé ikus mai sei rezulta indikadores ekonómikus ne'ebé einjerál di'ak liu ona.

Foin daudaun ne'e, Banku Mundiál nia Relatóriu kona-ba ema Halo Negósius tinan 2010 nian, temi Timór-Leste hanesan nasaun ida ho progresu maka'as iha reformas kona-ba "pagamentu taixas". Iha avaliasaun globál kona-ba servisu tributáriu nian, Timór-Leste sa'e liufali pozisoens 56 iha tinan ida nia laran hodi hetan klasifikasaun 19.º entre total paízes 183. Ida ne'e halo nasaun Timor sai atrativu liutan ba investidor sira. Timór-Leste mós sa'e liufali pozisoens 9 iha kategoria jerál atividades halo negósiu nian no hetan klasifikasaun 164.º.

Timór-Leste hetan segundu lugár iha kresimentu ekonómiku ne'ebé lalais liu iha mundu tomak iha tinan 2008, i hetan duni kresimentu ekonómiku 12.8%. Projesaun ba tinan 2009 mós di'ak tebes, bele hetan pelu menus 8% ne'ebé prezisa duni atu aseguira dezentvolvimentu ne'ebé sustentável.

Iha Relatóriu kona-ba Dezempenhu Jestaun Finanseira Timór-Leste nian ne'ebé halo avaliasaun kona-ba tinan tolu antes de 2007, konstataoens ne'ebé hetan hatudu katak iha "**Lala'ok no Hahalok ne'ebé la Produtivu**" iha servisu públikus nia laran.

Relatóriu ne'e hatutuan nune'e "**problemas barak iha sistema Jestaun Fianansas Públikas mai husi kultura organizaun ne'ebé la di'ak ne'ebé karakteriza ho falta transparênsia no responsabilizaun, nomós ho korrupsaun sistémika. Staff altu nível nian barak liu mak la iha experiênsia lideransa no jestaun, no parâmetru insentivu ne'ebé iha sei fraku no la iha serteza. Jestores ka xefes sira ta'uk atu delega ka fó servisu, ne'ebé hamenus liután grau sentidu responsabilidade staff sira nian. Iha problemas hanesan staff sira falta servisu, no lakon motivaun**".

Sekretáriu Estadu Konseihu Ministrus no Portavóz ofisiál IV Governu Konstitusionál observa nune'e: "Ha'u fiar katak ami nia rezultadus ne'ebé pozitivus hatudu duni mudansa iha kultura servisu públikus. Progresus iha ezekusaun orsamentál no rekolha reseitas doméstikas ne'e servisu públikus ne'ebé hanesan mak hala'o, maibé Governu ida ne'e iha nia polítikas maka'as no metin nian no ajenda nasional ida atu hala'o hamutuk. Prosesu orsamentu nunka transparente no abertu tebes ba debate hanesan agora ne'e nian."

'Ami ativu tebes halo reforma no profesionaliza ami nia instituisoens, hanesan implementasaun komisaun funsaun pública, eskala salariál ne'ebé aas, promosaun bazeia ba sistemas méritokrátikus, inisiativas hala'o formasaun no kapasitasaun no sei to'o tempu ne'ebé ita nia funsionáriu sira hotu ho lideransa i jestaun forte husi Governu ne'ebé lidera husi Primeiru-Ministru Kay Rala Xanana Gusmão, sei hetan liután kbiit no rezultadus boot tebes ba Nasaun ida ne'e."

Aumentu iha ezekusaun orsamentál no reseitas doméstikas ne'e tanba sistemas foun no kontrolu, tanba implementasaun prosedimentus ne'ebé estritus ka maka'as liu, iha linhas atuasaun efisiente atu rekolha no identifika i determina metas/alvus iha áreas ne'ebé haré katak bele akontese fraude ka ema na'ok no halo korrupsaun, liuhusi medidas ne'ebé forte. **ENDS**

Atu hetan tan informasoens favór kontakta Ágio Pereira liu husi telefone +670 723 0011 ka korreiru eletróniku agiopereira@cdm.gov.tl